



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 429. Usque Ad Annum 483

**Fleury, Claude**

**August. Vind. [u.a.], 1759**

**VD18 90117816**

§. 30. Leo Leges edit Ecclesiæ faventes.

---

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

## §. XXX.

Sæculum V.  
A. C. 469.*Leo Leges edit Ecclesiæ faventes.*

Leo Imperator per hos annos Leges aliquas in Bonum Religionis condidit. Ne quis Causidicum ageret coram quocunque Tribunali, nisi esset Catholicus, sub pœna exilii perpetui prohibuit. Hæc Lex ultima Julii anno 468. data. Leges contra Paganos latas confirmavit. Omnibus Clericis, & Monachis Privilegium concessit, ne coram Tribunali alieno ad Judicium trahi possint, nec propriæ defensionis causa Ecclesias suas, aut Monasteria relinquere teneantur; sed Actio contra Clericum coram loci illius Judice moveatur. Qui Constantinopoli existunt, coram solo Præfecto Prætorio in judicio stent. In Provinciis alios Vades dare non tenebuntur, quam Defensores, & Ecclesiarum œconomos, in urbe autem ipsa Constantinopoli nullos. In causis Ecclesiasticis actio solum contra œconomum datur. Modici sumptus a Clericis actionem moventibus exiguntur, & qui eos temere persequuntur, ad expensas damnantur. Lex ista Rescripto Marciani Mense Aprili anno 469. dato persimilis est. Alia Lege, quinta Jan. anno 469. data, Leo Imperator omnia Privilegia Hospitiis, & Monasteriis concessa confirmavit. Decima tertia Dec. ejusdem anni legem

Lib. 15. Cod. de ep. aud.  
L. 8. Cod. de Pag. L. 33. C. de ep.

Lib. 25. Cod. de Ep. Sup. XXVIII. §. 53. Lib. 35. Cod. L. ult. Cod. de fer.

Sæculum V.  
A.C. 469.

legem promulgari iussit de Festorum ob-  
servatione; prohibetur, ne quis actus  
forensis, nequidem simplex Citatio, Die  
Dominica fiat; item prohibetur, ne Thea-  
tri, vel Circi, aut Bestiarum in mutuas  
neces pugnantium Spectacula exhibean-  
tur; si illi, quorum curæ ista commissa,  
Legem hanc violent, officio, & Bonis suis  
priventur. Decima quinta Martii eodem  
anno 469. legem ediderat contra Simo-  
niam. Illa statuitur, ut in Electione Epis-  
coporum solum meritorum ratio habeatur,  
nec eum Præfulatu dignum esse, qui  
ambit, sed qui fugit. *Quippe omnis ille*  
(Legis verba sunt) *certissime Sacerdotio*  
*indignus est, qui non invitatus ordinatur.* Ul-  
terius decernitur, ut dictum Simonix cri-  
men similibus pœnis vindicetur, ac cri-  
men læsæ Majestatis, & quicumque Simo-  
nix convictus fuerit, deponatur, & æter-  
na infamia notetur.

l. 31. si quem-  
que C. de  
Episc.

to. 4. Conc.  
p. 1025.

Verò simile est, hanc Legem ortum de-  
bere Concilio ab Episcopis, Constantino-  
poli existentibus, sub Gennadio Patriar-  
cha celebrato, cujus diem nescimus. Hu-  
jus Concilii habemus epistolam Synoda-  
lem, ad omnes Metropolitas directam, in  
qua Simonia, & variæ larvæ, sub quibus  
abscondi solet, severissime damnantur.  
Secundus Canon Concilii Calcedonen-  
sis recensetur, & observari præcipitur. Om-  
nes Clerici, aut Laici, qui pro Sacro Mi-  
nisterio

nisterio pretium dare, vel accipere voluerint, depositi, aut excommunicati declarantur. Sæculum V. A.C. 471. Speciatim notatur Galatia, ubi non nulli hujus delicti rei deprehensi fuissent. Tandem omnibus Metropolitibus mandatur, ut hujus epistolæ exemplaria suis Suffraganeis, Visitatoribus, & cunctis aliis communicent. Huic epistolæ Synodali Episcopi ultra octoginta subscripserunt. Baluz. nov. coll.

## §. XXXI.

*Petrus Fullo Antiochiæ.*

Cum Leo Imperator Præfecturam Orientis Zenoni Genero suo contulisset, Theod. Lett. L. I. p. 554. is quemdam, nomine Petrum, Ecclesiæ Niceph. XV. c. 28. S. Bassæ Martyris Calcedone Presbyterum, secum Antiochiam perduxit. Serm. Alex. ap. Sur. II. Jan. Petrus olim in aliquo Acemetensium Cœnobio Monachus arti Fullonum operam dederat, hinc cognomentum hæsit. Quia vero Concilium Calcedonense rejiciebat, & Hæresin Eutychis profitebatur, interdictis ipsi Presbyterorum functionibus, e Monasterio pulsus, Constantinopolim se recepit, ubi Magnatibus officiosum se præbere, & inprimis in Zenonis Domum specie Pietatis penetrare cœpit. Itaque Antiochiæ cum ipso degens, audax consilium meditatus est, quatenus Sedem Patriarchalem invaderet, persuasitque, ut Zeno auxilium promitteret. Tum, coëmpta

pta